

李文恭公遺集

李文恭公奏議卷五目錄

湘陰李星沅石梧著

男

概榛

編次

陝撫

查明各屬應徵錢糧截至年底已未完解數目摺
子

附奏籌款發給延川縣緝捕經費並演放大礮工

料等銀片子

奏請揀選商州州同摺子

究追已故知縣虧短庫項摺子

附奏覆陳仿鑄回錢片子

查明上年下忙徵收各款已未完數目摺子

特參鳳翔縣縣丞徐誠榮摺子

附奏升任藩司暫令留辦秋錄片子

籌議仿鑄回錢摺子

附奏仿鑄回錢有滯民用片子

請動耗羨銀兩摺子

附奏道員知縣訓導代繳罰賠銀兩片子

審擬逆倫重犯摺子

特參神木縣知縣王致雲摺子

附奏拏獲匪犯片子

奏謝子杭會試中式摺子

審擬已革縣丞擅受斃命全案摺子

奏報二麥約收分數摺子

奏報陝省上年應徵帶徵錢糧已未完數目摺子
奏報陝省上年徵收新舊錢糧截至奏銷以前已
未完數目開單比較摺子

查明司庫實存耗羨銀數摺子

對調知縣摺子

附奏委署鄜州知州片子

請獎捐輸河工經費官紳士庶摺子

附奏降補人員捐輸片子

奏謝子杭改翰林院庶吉士摺子

錢糧徵完過半摺子

奏報本年上半年忙錢糧已未完數目摺子

北山被雹地方酌借銀兩摺子

請獎捐輸賑卹官民摺子

附奏提審京控咨交案件片子

奏謝平反議敘摺子

查明各屬應徵錢糧截至年底已未完解數目摺

子

奏爲查明各屬應徵錢糧截至年底止已未完解數
目循例恭摺奏

聞事竊照嘉慶九年六月內准戶部咨令將已未完錢
糧數目截至年底於次年開印前報部一面專摺
具奏等因歷經遵行在案茲據藩司陶廷杰詳稱
道光二十三年額徵民屯更起運竝糧折等項內

除各屬留支外實應解司銀一百三十三萬九千三百二十七兩零截至上年十一月底止已完銀一百二十九萬五千八百七十二兩零業經詳明具

奏茲自上年十二月起至年底止續完銀二萬五千五百二十兩零仍未完銀一萬七千九百四十四兩零統計二十三年錢糧已完九分八釐六毫零又帶徵道光十九年舊欠未完緩徵銀七百一十

二兩零竝道光十六年舊欠緩徵銀四百六十五兩零因榆林懷遠神木府谷等縣二十三年秋收復歉

奏明緩至二十四年秋後啟徵是以仍未完解等情具詳請

奏前來臣覆核無異除將未完銀兩嚴飭督催趕緊徵解外所有道光二十三年分額徵正賦及舊欠銀兩截至年底止已未完解數目理合循例繕摺

具

奏伏祈

皇上聖鑒謹

奏 道光二十四年正月二十八日具

奏奉

硃批戶部知道欽此

附奏籌款發給延川縣緝捕經費並演放大砲工
料等銀片子

再延安府屬之延川縣地處北山缺本瘠苦在昔
民淳事簡尙可支持近則訟獄日繁一切稽察奸
宄偵捕盜賊動需費用所得廉俸實在不敷辦理
據藩司轉據該管知府稟請循照南北兩山苦缺
州縣

奏明籌人貼補之案一律酌給緝捕經費又每年演

放大礮所用火藥鉛丸由西安清軍廳承領補造
估計工料雜用銀二百兩亦須籌款發給查有留
備

嶽廟工用生息銀一萬五千兩陸續收支現存銀二
萬四千五百餘兩擬於此項內每年動撥銀九百
兩發給延川縣緝捕經費銀七百兩清軍廳製造
藥鉛銀二百兩請免報銷等情具詳前來臣查所
撥銀兩均地方公務要需且爲數無多仍不致有

礙工用合無仰懇

天恩俯准撥給以資整飭合併附陳伏乞

聖鑒謹

奏

硃批另有旨欽此內閣奉

上諭李昉沅奏延安府屬之延川縣地方瘠苦請照南
北兩山州縣奏明籌款貼補之案一律酌給緝捕經
費又每年演放大礮所用火藥鉛丸由西安清軍廳

承領補造估計工料等銀二百兩亦須籌款發給著
准其於留備嶽廟工用生息銀內每年動撥銀九百
兩發給延川縣緝捕經費銀七百兩清軍廳製造藥
鉛銀二百兩均著免其報銷該部知道欽此

奏請揀選商州州同摺子

奏爲要缺州同乏員調補請

旨敕部揀選補授恭摺奏祈

聖鑒事竊照商州直隸州州同衛佐堯告病開缺調理
所遺員缺例應在外揀調惟查該州同分駐商州
龍駒寨地當南山之衝五方雜處彈壓稽查均關
緊要陝省直隸州州同止此一缺並無可調之員
其坐補原缺州同卓傑久經廣西撫臣咨明起復

迄無來陝確期臣復與兩司在大挑舉人試用知
縣年滿合例人員內遴選借補亦難人地相宜未
便稍存遷就查定例各省佐雜要缺俱令督撫照
例咨部改調如無應調應升之人卽行奏請於候
補人員內揀選引

見補授等語今商州直隸州州同係在外揀調要缺本
省旣無人可補相應循例

奏明仰懇

敕下吏部在曾任繁缺候補候選人員內揀選引

見補授以重職守而裨地方據藩臬兩司會詳前來理

合恭摺具

奏伏乞

皇上聖鑒訓示謹

奏 道光二十四年二月初八日具

奏奉

硃批另有旨欽此內閣奉

上諭李星沅奏要缺州同乏員調補請敕部揀補一摺陝西商州直隸州州同一缺旣據該撫查明本省無人可補著吏部在於曾任繁缺候補候選人員內揀選引見候旨補授欽此

究追已故知縣虧短庫項摺子

奏爲查明已故知縣庫項虧短應卽嚴切究追恭摺

奏祈

聖鑒事竊照州縣倉庫錢糧絲毫均關

國帑節經嚴飭各屬凡遇新舊交代必須按款核算

認真盤收如有延不清交立即據實揭報不准稍

涉含混以憑懲究上年十二月據鳳邠道崇綸鳳

翔府知府湯寬密稟郟縣知縣陳椿冠經管倉庫

訪有虧挪情弊正飭催查辦間卽於是月二十五日陳椿冠在任病故當委候補知縣舒鈞前往接署現據查出陳椿冠任內庫項計短交道光二十三年已徵未解民屯更地丁正耗及鹽課等項銀八千二百四十餘兩又常平倉麥短少六千八百石零折銀八千一百六十餘兩共銀一萬六千四百兩零稟經該管道府揭報由藩臬兩司會詳請奏前來臣查陝省庫項向係年清年款倉麥出陳易

新亦有一定期限乃已故知縣陳椿冠應交倉庫
竟至虧銀一萬六千餘兩之多其爲是侵是挪必
令水落石出應卽飭提親屬丁胥人等來省嚴切
究追照例勒限催繳此外有無不實不盡一併澈
底根究斷不容顧預了事以清

帑項而儆官邪除將該故員寓所資財委員嚴密查
封其原籍家產飛咨江西撫臣飭令新城縣迅速
查抄估變咨陝備抵外理合恭摺具

奏伏乞

皇上聖鑒謹

奏 道光二十四年二月初八日具

奏奉

硃批嚴行究訊欽此

附奏覆陳仿鑄回錢片子

再臣承准軍機大臣字寄奉

上諭回疆所用當五當十錢文行使多年頗稱便利因
思陝西甘肅二省相距非遠當可仿照鑄行疏通圖
法著富呢揚阿李星沅體察情形妥議章程具奏等
因欽此當經飛咨督臣富呢揚阿會商妥議一面督
同司道先就陝省情形詳加體察如何分成仿鑄
如何設法疏通

國計何以有裨民用何以無滯務悉知其格礙以力
求其便宜俾於難行之中稍得試行之要事關兩
省錢法不敢不通盤籌畫慎始圖成除俟督臣咨
覆定議具

奏外合併陳明伏乞

聖鑒謹

奏

硃批知道了欽此

查明上年下忙徵收各款已未完數目摺子

奏爲查明陝省上年下忙徵收正賦鹽課錢糧已未完數目循例具

奏仰祈

聖鑒事竊照各州縣徵解錢糧於嘉慶二十年六月內經戶部奏准令將每年上下忙應徵錢糧除畱支外實應解司銀數分別正課雜項依限造冊詳報督撫具奏並將原冊送部等因歷經遵行在案茲

據布政使陶廷杰詳稱查得陝省各屬道光二十三年分額徵民屯更起存並糧折銀除屯丁兌食及存留外實應解司銀一百三十三萬九千三百三十七兩零內除上忙已完銀九十萬一百七十三兩零未完銀四十三萬九千一百六十四兩零今下忙續完銀四十二萬一千二百一十九兩零仍未完銀一萬七千九百四十四兩零又原額鹽課銀八千九百八十兩零內除上忙已完銀一千

一百五十八兩零未完銀七千八百二十二兩零
今下忙續完銀五千五百八十六兩零仍未完銀
二千二百三十五兩零又帶徵道光十九年原未
完緩徵起運銀七百一十二兩零又帶徵道光十
六年原未完緩徵起運銀四百六十五兩零因榆
林懷遠神木府谷等縣二十三年秋收復歉

奏明均緩至二十四年秋後啟徵是以仍未完解等
情詳報前來臣覆核無異除將未完銀兩嚴飭該

管道府州趕緊督催徵解並將送到冊籍另行咨部外所有道光二十三年分下忙徵收正賦鹽課錢糧已未完數目理合循例恭摺具

奏伏乞

皇上聖鑒謹

奏 道光二十四年二月二十二日具

奏奉

硃批戶部知道欽此

特參鳳翔縣縣丞徐誠榮摺子

奏爲特參擅受濫押斃命之縣丞請

旨革職審辦以肅吏治仰祈

聖鑒事竊照佐雜等官不准擅受民詞經臣疊札嚴飭

申明定例務俾恪遵

功令詎有鳳翔縣縣丞徐誠榮於上年十二月十三

日擅受民人張傑呈控常學禮行使假票一案復

將借給錢票之張芳傳訊未結飭役袁鐸將常學

禮張芳併交王和等管押至本年正月二十五日
夜張芳在押縊斃經該縣知縣黎保泰具稟鳳翔
府委員驗係自縊身死填格通詳等情臣查良人
張傑所控本非縣丞應理之事該員徐誠榮並不
備文送縣輒行擅受已屬違例妄爲又敢交差濫
押月餘未釋以致釀成人命且常學禮與張芳一
同在押獨張芳愁急自盡恐非詐索無厭卽由凌
虐難堪若不澈底根究從嚴懲辦何以重民命而

做官邪據藩臬兩司及該管道府揭報會詳前來
相應據實

奏參請

旨將鳳翔縣縣丞徐誠榮革職提省並全案人證確切
研究張芳如何自縊身死該縣丞及差役人等有
無串囑詐贓私拷勒逼各情分別按律定擬除飭
司先行撤任委員前往接署外所遺查係簡缺陝
省現有應補人員容俟另行咨補合併陳明謹會

同陝甘總督臣富呢揚阿合詞恭摺具

奏伏乞

皇上聖鑒謹

奏 道光二十四年二月二十二日具

奏奉

硃批另有旨欽此內閣奉

上諭這所參擅受濫押斃命之陝西鳳翔縣縣丞徐誠
榮著革職交該撫提同全案人證研究確情按律定

擬具奏欽此

附奏升任藩司暫令畱辦秋錄片子

再陝省臬司傅繩勛現蒙

簡授雲南藩司應卽交卸篆務迎摺北上惟所辦秋審業已過半約須春杪歲事查新任臬司汪雲任由京至陝爲日計亦無多相應請

旨暫令傅繩勛畱辦秋錄以資熟手俟新任到日再行交卸起程合併陳明伏乞

聖鑒謹

奏

殊批依議欽此

籌議仿鑄回錢摺子

奏爲籌議仿鑄普爾錢文遵

旨體察情形據實覆奏仰祈

聖鑒事竊臣承准軍機大臣字寄道光二十四年正月
初九日奉

上諭回疆所用當五當十普爾錢文行使多年頗稱便
利因思陝西甘肅二省相距非遠地方情形大畧相
同當可仿照鑄行疏通圖法著富呢揚阿李星沅體

察情形妥議章程具奏總期利用便民流通無滯毋
以事屬創始稍存畏難之見率以格礙難行一奏了
事將此各諭令知之欽此遵卽恭錄移咨督臣富呢

揚阿函商定議一面督飭司道先就陝西情形詳

加體察經臣附片

奏明在案伏查回疆南八城自乾隆年間在阿克蘇
地方開採銅劬設局鼓鑄錢文搭放兵餉始定以
一當五之制其先本無民戶亦無內地制錢也道

光八年復增鑄當十錢按銀一兩折錢一百十文
至今與當五錢相間行用惟至喀喇沙爾連界之
吐魯番而止自吐魯番以及哈密烏魯木齊巴里
坤古城伊犁等處皆遵內地錢法向不用普爾錢
伊犁間有紅錢亦係該夷另式與普爾錢不類計
陝西省城距不行普爾錢之吐魯番五千四百六
十餘里距行使普爾錢之喀喇沙爾六千一百七
十餘里地方既不相近情形卽不相同錢法守之

官吏而行之市厘陝省懋遷有無貨販四達如甘
省新疆各路熙來攘往實繁有徒概以制錢交易
絕無輕重攙雜有自回疆攜歸普爾錢者或遂傳
爲珍異蓋商民所不習見也今若以不習見之錢
遽令陝省試行而回疆較近之區未先行使則疏
銷易窒而推廣易窮商民狃於故常其信從必不
堅而心相與疑其流轉必不速而勢有所隔雖肫
切開導明立章程究恐陽奉陰違終無實濟再四

籌畫創始良難茲據甘肅議以先將去路能否疏通詳加考訂誠使由外而內不難由隴而關庶幾一氣呵成事無格礙業經督臣奏請

敕下新疆各城將軍都統參贊大臣等一律體察如果口外均能行使則口內亦可議行甘省向無錢局自應由寶陝局定額鼓鑄臣現將鑄錢式樣工本多寡斂散機宜督同司道從容悉心酌核以期勉

副

聖主利用便民之至意所有遵
旨體察情形理合據實覆

奏伏乞

皇上聖鑒訓示謹

奏 道光二十四年三月二十一日具

奏奉

硃批候旨戶部知道欽此

附奏仿鑄回錢有滯民用片子

再查回疆當五錢重一錢二分當十錢重一錢五分較之寶陝局每制錢一文重一錢二分每鑄錢一串費銀一兩二分四釐六毫卽以現行十二卯改鑄每一大錢工費遞加計常年成本總可撙節果能民用不滯圜法自見疏通臣故於難行之中力求試行之要無如沈思博訪累月籌商將由陝省試行有第見其難而未見其可者敢再爲我

皇上陳之凡論鑄大錢者必重其本而精其工如當十之錢以制錢七八文爲之庶作僞者無所牟利然私鑄雖可少戢改鑄又覺徒勞是有更張之名而無節省之實若專主惜費意存苟簡勢必奸僞叢出錢法混淆重幣等諸無用此鑄之難也陝西商賈販運陸路由潼關商州水路由興安漢中川楚河南接壤最近若大錢止行於陝貿易所往輒窮虧折滋虞羣相觀望甚至預擡物價如唐代虛錢

之弊小民日謀升合又恐錢文攙雜較多嫌少致起爭端此銷之難也大錢初行官庫必兼收放聞回疆歲納棉花錢卽用普爾交官若陝省正雜各款亦准此上庫則當五錢二百二十文當十錢一百十文卽作制錢一串照例抵紋銀一兩錢日盈則銀日絀正支撥項諸非所宜此例價折收之難也若准市價收放而陝省銀錢隨時長落各屬參差不齊上司無從考核卽定以大錢若干作銀一

兩亦不能與市價相侔勢必銀價賤時納者不肯
納銀價貴時領者不肯領此市價折收之難也至
搭放大錢除文武養廉夫馬工料而外兵餉實爲
鉅款回疆率由舊章相安已久若陝省兵丁每名
月領幾何驟令按成折給錢雖重而用尙輕物力
維艱生計頓絀不足以示體恤此兵餉搭放之難
也臣嘗考之前事揆之羣情權之出納竊見普爾
錢文陝省仿鑄不易必不獲已而由外之內漸次

推行或可相機酌辦臣不敢以創始之舉過事拘牽尤不敢以畏難之嫌稍存遷就仰維

慈訓總期利用便民流通無滯既有滯於民用之處謹再附片縷陳伏乞

聖鑒謹

奏

硃批覽戶部知道欽此

請動耗羨銀兩摺子

奏爲循例請動耗羨銀兩恭摺奏祈

聖鑒事竊據布政使陶廷杰詳稱本年八月欽奉

諭旨特開

恩科舉行直省鄉試所有文武兩闈經費並無額設款
項除應動建曠銀七千六百一十四兩零另詳呈
請咨部外其不敷銀八千九百二十四兩零請照
乾隆十三年酌定章程在道光二十四年耗羨項

下動支事竣造冊報銷查厯科成案均因無定公
款例應具詳請

奏前來臣覆查無異除咨部察核並督飭承辦各官
撙節辦理核實造報外所有請動耗羨銀兩緣由
理合恭摺具

奏伏乞

皇上聖鑒謹

奏 道光二十四年三月二十一日具

奏奉

硃批戶部知道欽此

附奏道員知縣訓導代繳罰賠銀兩片子

再延榆綏道劉喜海候補知縣初慶彫並前任韓
城縣訓導王承武其已故祖父均經查庫管庫各
有應繳罰賠銀兩

臣

接准戶部咨會當卽行司分

別飭速完繳茲據藩司詳稱本年正月二十九日
據王承武將伊故父王松年罰賠銀六千八百兩
先交三千兩餘銀三千八百兩現在設措續交又
據初慶彫將伊故祖初彭齡罰賠銀三千兩劉喜

海將伊故父劉環之罰賠銀九千兩均於三月十
三十六等日解司兌收貯庫等情臣覆查無異除
將王承武未完銀兩嚴飭依限趕緊完繳外所有
劉喜海等代完銀兩全數解庫緣由理合附片陳

明謹

奏

硃批戶部知道欽此

審擬逆倫重犯摺子

奏爲逆倫重犯審明定擬恭摺奏祈

聖鑒事竊照同官縣知縣王儒綬驗報民婦任賀氏因
冉金旺毆傷伊長子任世原逼令三子任五子將
伊背至冉金旺窰頂跳崖跌傷身死一案當經臣

以案情重大批司提省審辦茲據委員西安府知
府李希曾督同該縣審擬由臬司傅繩勛解勘前
來臣親提研鞫緣任五子籍隸同官縣與冉金旺

鄰村無嫌已死任賀氏係任五子親母任五子長兄任世原之女嫁與顏京紅兒爲妻道光二十四年正月十二日顏京紅兒與冉金旺談及伊塲邊麥草不知何人燒燬冉金旺因與任世原顏引幅口角有嫌捏稱是晚曾見任世原等從塲邊走過恐其燒燬囑令訪查十四日顏京紅兒路遇任世原查問任世原斥責誣賴揪住欲毆顏京紅兒答有冉金旺見證將其推跌倒地跑走任世原復向

冉金旺追問冉金旺信口支吾任世原隨告知顏
引幅找尋理論未遇稱欲控究冉金旺心恨任世
原向顏引幅說知起意毆打洩忿卽於次早糾允
伊表弟顏如必顏如居暨伊子冉印舒兒各帶木
棍先在馬村地方等候自將任世原誘至首先叫
罵摔倒顏如必等趕攏用棍亂毆致傷任世原左
肩左腮腴左右腿任五子聞知趨救雇人擡回任
賀氏見而詢悉嚷稱冉金旺挾嫌誣指恃強欺辱

斷不與之甘休卽令任五子背伊往冉金旺窰頂
跳崖拚命任五子不允任賀氏堅執欲去經次媳
任郭氏再三勸慰任賀氏遂未言語任郭氏認爲
任賀氏氣平至晚照應睡宿亦各回房就寢詎任
賀氏懷忿莫釋天未明時喚起任五子逼令背送
任五子仍復不允欲喚任郭氏勸阻任賀氏向其
斥禁聲言如不依從定卽碰死任五子被逼無奈
將任賀氏背至冉金旺窰頂路旁塿邊放下擬再

婉勸不期任賀氏卽由塢上轉身撲落冉金旺窰
前糞土堆上震傷內損擦傷右手腕時已黎明任
五子恐人知覺慌忙跑回冉印舒兒聽聞犬吠開
門出視見任賀氏仆臥聲哼喊同冉金旺扶救向
任賀氏詢知跳崖拚命情由維時任郭氏睡起不
見伊姑與任五子疑往冉金旺家滋鬧前去勸阻
路遇任五子問知當向抱怨任五子畏懼逃走任
郭氏趕往查看任賀氏已不能言語旋卽殞命報

縣驗詳批飭提省委審定擬由司解勘臣以任賀
氏跳崖拚命任五子既經背往卽難保無愆愆推
跌重情反覆窮詰並提全案人證隔別研究委無
愆愆推跌情事供證確鑿矢口不移案無遁飾查
律載謀殺父母預謀之子不分首從凌遲處死又
例載兇惡棍徒屢次生事行兇無故擾害良人確
有實據者發極邊足四千里安置又名例載斷罪
無正條援引比附加減定擬又律載毆妻之父母

者杖六十徒一年各等語又嘉慶二十年陝西省
審奏孝義廳民婦倪石氏逼令伊子倪勝兒代掛
縊繩自縊身死一案欽奉

聖旨此案倪石氏因差役楊順等藉伊夫倪開周窩竊詐
去包穀麥苗又逼令離庄情急起意自盡令伊子倪勝
兒代掛縊繩倪勝兒勸阻該氏即欲碰死倪勝兒無奈
代掛是伊母之縊死實係自行起意倪勝兒並無致死
其母之心擬以凌遲處死未免漫無區別著改爲斬立

決等因又嘉慶二十二年湖北省審奏蔡允光愆
母自縊圖賴將蔡允光擬以凌遲先行正法一摺

欽奉

上諭蔡允光愆母拚命圖賴祇係空言間擬斬決已當其
罪若卽處以極刑近日他省逆倫之案尙有逼母自盡
並給兇器從旁加功者又將加以何罪蔡允光業已正
法著毋庸議嗣後審擬此等案件亦應詳核情節不得
漫無區別槩從重典等因欽此欽遵各在案此案任五

子之母任賀氏因冉金旺糾毆伊長子任世原受
傷心懷不甘起意至冉金旺窩頂跳崖拚命該犯
任五子被逼背往以致其母自由塢上撲下跌傷
內損身死倫紀攸關應按律問擬任五子合依子
謀殺母者凌遲處死律凌遲處死惟該犯於伊母
起意跳崖之時本未應允迨被逼令背送仍不允
從猶欲往喚其嫂任郭氏勸阻因任賀氏斥禁聲
言不從卽死該犯始無奈背往訊無慫怙推跌情

事是伊母之死實係自行起意該犯知情背送由
於被逼初無致死其母之心核與倪勝兒等案事
異情同相應援案聲明恭候

欽定冉金旺因挾任世原顏引幅口角微嫌妄指任世
原等故燒顏京紅兒場邊麥草嗣恨任世原告知
顏引幅欲控又復糾毆洩忿以致釀成逆倫重案
情殊兇惡惟並未唆誣到官且偶然挾忿逞兇亦
與實在兇惡棍徒有間例無治罪恰合專條冉金

旺應比照兇惡棍徒屢次生事行兇無故擾害良人確有實據者發極邊足四千里安置例上量減一等擬杖一百徒三年顏京紅兒推跌妻父任世原倒地合依毆妻之父杖六十徒一年律擬杖六十徒一年均至配折責充徒冉印舒兒聽從伊父其毆係屬侵損於人且釀巨案應與聽糾幫毆之顏如必顏如居均照不應重律杖八十各折責發落任世原傷已平復其於伊母前往跳崖訊不知

情應與救阻不及之任郭氏均免置議麥草不知
何人遣火燒燬亦免查究以杜擾累無干省釋除
全案供招咨部外所有審明定擬緣由理合遵照
刑部議定章程恭摺具

奏伏乞

皇上聖鑒訓示謹

奏 道光二十四年三月二十一日具

奏奉

硃批刑部速議具奏欽此

特參神木縣知縣王致雲摺子

奏爲特參玩視重案審辦錯謬之縣令請

旨革職以示懲儆恭摺奏祈

聖鑒事竊照神木縣十三歲幼女李春孩被無服族人

李蘇氏李述秀毆斃一案先據該縣知縣王致雲

訊係李春孩見有竊賊偷摘樹果在園聲喊李蘇

氏同李述秀往勸因伊幼子摘食樹果李春孩復

行嚷罵李蘇氏等氣忿各用木棒樹枝毆傷李春

孩身死假裝自縊等情通詳當經_臣等批飭再行
研訊去後旋據該縣將李蘇氏依鬪殺律擬絞李
述秀擬杖一百徒二年由府審轉解司經前臬司
傅繩勳與_臣面商此案李春孩年幼無知該犯等
有何忿恨輒行疊毆致斃傷在陰戶且該犯等一
男一女何以同向果園同毆裝縊情節甚屬支離
當飭檄委西安府知府李希曾提證研審究出李
述秀向與李蘇氏有姦是日掩門續舊不期李春

孩突至撞見李述秀慮其張揚稔知李春孩之父
李述友時常在外賣果家止李春孩一人起意致
死滅口商允李蘇氏攜帶鐮柄追至其家李述秀
將李春孩仰面扳倒先用身帶手巾塞口李蘇氏
用鐮柄毆其左右腳腕右腳跟李述秀接過鐮柄
向李春孩陰戶毆戮數下致傷李春孩左右胯相
連陰戶登時殞命李述秀復起意將屍背移李述
友果園樹枝懸掛時有王述法在坡望見走攏查

問李述秀捏稱李春孩詈罵伊等作賊起衅毆斃
裝縊並囑李蘇氏到官照所捏情詞供認毆斃陰
尸重傷監禁數年即可減罪收贖李蘇氏因與李
述秀通姦情密亦卽允從在縣供認至兇器僅一
鐮柄遞換毆打現在解驗並不曾用樹枝提訊仵
作據供前驗屍傷因李述秀供指用樹枝毆打又
在園內起出比對相似是以當場喝報委無增減
等情將李述秀改照謀殺造意律擬斬監候刺字

李蘇氏依從而加功律間絞由司覆審解勘前來
臣隨親訊無異查人命重案全在承審官悉心推
究毫髮無遺庶幾情真罪當今李述秀因被李春
孩撞破姦情起意商同李蘇氏謀斃滅口衅由姦
私死係幼女情殊慘毒乃該縣王致雲並不虛衷
推鞠認真定擬輒任犯供支飾又不辨別兇器含
混招解若非飭司委員確審幾至誤謀殺爲鬪殺
誤正犯爲從犯莞穉含冤淫兇漏網實屬不知詳

慎草率糊塗相應據實

奏參請

旨將神木縣知縣王致雲卽行革職以爲玩視重案者
戒除將李述秀等一案另疏

題報外所有特參縣令審辦錯謬緣由謹繕摺具
奏伏乞

皇上聖鑒訓示謹

奏 道光二十四年四月二十一日具

奏奉

硃批審訊精詳甚屬可嘉另有旨欽此內閣奉

上諭李星沅奏特參玩視重案審辦錯謬之縣令請旨革職一摺陝西神木縣知縣王致雲於縣民李述秀因被李春孩撞破姦情起意商同李蘇氏謀斃滅口一案並不虛衷推鞠認真定擬輒任犯供支飾並不辨別兇器含混招解實屬草率糊塗王致雲著卽革職以爲玩視重案者戒該撫李星沅升任臬司傳繩

勛因該縣原詳情節支離督委西安府知府李希曾
提證研鞫究出實情俾淫兇不致漏網甚屬可嘉李
星沅傳繩勛李希曾均著交部議叙該部知道欽此

附奏拏獲匪犯片子

再臣自上年到任後首嚴緝捕盜匪以除民害當經通飭各屬一力講求查拏偵訪有犯必獲附摺奏奉

硃批禁暴安良誠爲地方之要務勉之欽此復經欽遵疊檄文武明定賞罰申嚴保甲成式認真妥實辦理旋據該廳州縣陸續具報拏獲刀匪四十六名竊劫等犯四十七名逃軍逃流一百八十二名統

計二百七十五名內有窮兇渠盜著名刀匪或輪
姦婦女或拒捕傷差均各就案確審照律究辦卽
罪止繫梃枷杖而所犯情事強橫亦必從重懲治
以消其桀驁之氣而生其畏憚之心各屬緝捕有
不力者卽行分別參撤俾官知勉而民知懼近日
察看情形匪徒均尙斂跡至北山延榆綏一帶與
四川甘肅山西諸省犬牙相錯岩徑阻深向多無
業游民藉佃種覓工接踵而來如所稱塘匠班子

之類良莠莫辨去爾無常晝伏宵行此拏彼竄每
有劫殺重案其民居荒落地近邊墻尤宜防範肅
清臣復諄飭地方官於城鄉莊堡聯絡之處仍令
保正甲長牌頭遇有前項人等隨時於十家牌書
寫姓名數目出則註其所往入則稽其所來若戶
口畸零村墟偏遠難以概立保甲者則令地主招
佃雇工時先查明來歷引進擔保詳載一簿某處
犯事卽就此簿核查再於工匠中擇一二人協同

察訪果能偵緝得實官爲量給賞資如敢徇隱窩盜亦卽隨案提究並咨會鄰省不分畛域一律究拏務期害去民安勉循

訓示不敢稍涉疏懈所有拏獲匪犯及督飭緝捕緣由謹縷悉附片以

聞伏乞

聖鑒謹

奏

殊批所辦甚好勉之毋懈欽此

奏謝子杭會試中式摺子

奏爲恭謝

天恩事竊臣接閱本科會試題名錄臣子李杭中式第
一百八十名貢士當卽恭設香案望

闕叩頭伏念臣夙凜菲材渥蒙

簡任幸珥詞垣之筆典校多疏游膺疆吏之符戴

恩滋重每憶瓊林簪杏越七科而忝領申圻敢思圭竇

負薪才一紀而仍叨甲第臣子李杭歲逾弱冠學

昧初基甫捷秋闈遂登春榜附名經而先後同應
辰年謬通籍以文章欣偕子舍省循知愧感悚交
深惟當勗勉義方敬副三升之選俾益涵濡

帝澤仰邀

重巽之榮所有微臣感激下忱謹繕摺恭謝

天恩伏乞

皇上聖鑒謹

奏 道光二十四年四月二十一日具

奏奉

硃批殿試朝考名次俱高甚有出息欽此

審擬已革縣丞擅受斃命全案摺子

奏爲遵

旨審明定擬恭摺奏祈

聖鑒事竊照鳳翔縣縣丞徐誠榮擅受民詞致張芳在

押緝斃一案經臣具摺參

奏奉

旨這所參擅受濫押斃命之陝西鳳翔縣縣丞徐誠榮著革職交該撫提同全案人證研究確情按律定擬

具奏欽此臣卽欽遵檄飭兩司將案内應訛人證提

集嚴審去後茲據委員西安府知府李希曾審明
由藩司陶廷杰臬司傅繩勛會訊定擬轉解前來

臣親提研鞫緣徐誠榮係浙江監生捐納縣丞分

發陝西咨補鳳翔縣縣丞道光二十三年十二月
十二日有縣民常學禮買得張傑木料該價錢二
十千一百文因雇張芳車輛運回卽向借貸永盛
生記票錢五千文先行付交張傑嗣張傑查無永

盛生錢鋪知係假票尋向常學禮不依爭吵隨赴
縣丞衙門呈控該縣丞徐誠榮飭差袁鐸將常學
禮喚案審明票係張芳借給旋於十九日傳到張
芳復訊並搜出十千錢票一紙亦無大成春號當
據張芳供係素識之羅升假造交併行使羅升現
赴甘省未回徐誠榮遂將張芳同常學禮交役王
和楊壽帶至署前廟內管押俟緝獲羅升質究二
十四年正月二十五日午後張芳之弟張斌暨其

子張道娃前往探望詢及假票來歷張芳告知係
伊私造行使捏供搪抵並無羅升其人將來究出
實情必須問罪聲言不如早死張斌等當向勸慰
而回詎張芳愁急莫釋卽於是夜乘看役楊喜等
睡熟自解繫褲皮帶在門環上自縊次早常學禮
驚見喊同楊喜等解救不及業已殞命經該縣知
縣黎保泰揭報委驗通詳臣卽將該縣丞徐誠榮

參

奏革職飭提人證委員研訊由司解勘各供前情不
諱臣查該縣丞違例擅受交差羈押以致張芳輕
生謂無串詐凌逼別情殊難憑信復經嚴切根究
據徐誠榮供稱實因事關誑騙張芳供詞支飾又
與常學禮俱無的保是以交差看管擬俟緝獲羅
升再行送縣委係一時糊塗並無授意婪索情弊
質之常學禮亦供張芳造使假票因慮審明治罪
愁急自縊如果官役詐逼伊亦被押日久正可據

實供明何肯代爲隱諱並據屍親張斌等僉供張
芳生前止向告知造使假票畏審問罪並未提及
官役詐逼之事反復究詰矢口不移案無遁飾此
案鳳翔縣縣丞徐誠榮於民間詞訟並不備文送
縣輒行擅受濫押致使造假票之張芳畏罪自盡
雖訊無授意婪索情弊實屬違例妄爲業已革職
應毋庸議張傑違例赴縣丞衙門具控致釀人命
看役楊喜王和失於防範均應照不應重律杖八

十各折責發落楊喜等仍革役張芳假造錢票行
使照詐欺取財律應計贓准竊盜論已經畏罪自
盡應與不知假票之常學禮及奉官傳喚之袁鐸
均免置議鳳翔縣知縣黎保泰於縣丞擅受醜命
之後始行據實揭報例有失察處分應請

旨交部議處假票縊帶銷燬無干省釋除全案供招咨
部外所有審明定擬緣由理合恭摺具

奏伏乞

皇上聖鑒勅部核覆施行謹

奏 道光二十四年四月二十三日具

奏奉

硃批該部議奏欽此

奏報二麥約收分數摺子

奏爲恭報陝西省西安等九府州屬二麥約收分數

仰祈

聖鑒事竊照二麥約收分數例應先期恭摺

奏報茲據鳳翔西安漢中同州興安商州邠州乾州

鄜州九府州將所屬二麥約收分數開摺具報由

藩司彙詳請

奏前來臣覆加查核統計西安等九府州屬七十二

廳州縣多寡牽算二麥約收七分有餘敬繕清單

恭呈

御覽至延安榆林綏德三府州屬節氣較遲向於開報
實收分數時彙同具報合併陳明謹繕摺具

奏伏乞

皇上聖鑒謹

奏 道光二十四年四月二十三日具

奏奉

硃批覽欽此

奏報陝省上年應徵帶徵錢糧已未完數目摺子
奏爲陝西省道光二十三年應徵帶徵錢糧已未完
數目循例奏

聞事竊照向例辦理錢糧奏銷應將每年完欠數目分
晰具

奏懇經遵照在案茲據布政使陶廷杰詳稱陝西省
道光二十三年分額徵地丁起存藥味等項共銀
一百六十二萬七千三十五兩零內已完銀一百

六十二萬一千五百八十八兩零未完銀五千四百四十七兩零又額徵耗羨銀二十三萬九千八百八十五兩零內已完銀二十三萬九千二百一十七兩零未完銀六百六十八兩零又額徵起存本色糧一十九萬八千四百五十七石零內已完糧一十九萬四千六百九十四石零除緩徵糧四百四十九石零未完糧三千三百一十四石零內有前任郿縣病故知縣陳椿冠虧缺正銀四千八

百二十七兩零耗銀五百七十五兩零糧一千九百五十五石零業經臣奏奉

硃批嚴行究訊現在查抄著追另辦實止未完緩徵存
留正銀六百二十兩零未完緩徵存留耗羨銀九
十三兩零未完糧一千三百五十七石零又額徵
糯米折價銀二千四百三十九兩零又額徵本色
草一萬五千六百三十二束均全數通完又帶徵
道光十三年未完緩徵糧三千七百八十石零內

已完糧四斗零未完糧三千七百七十九石零又
除緩徵糧三千七百六十八石零實止未完糧一
十石零未完草一千四百三十九束零全數緩徵
又帶徵道光十五年未完緩徵存留正銀五百一
十八兩零耗羨銀七十七兩零全數緩徵未完糧
一千八百四十九石零內除緩徵糧一千八百四
十石零實止未完糧八石零未完草一千三百二
十七束零全數緩徵又帶徵道光十六年未完緩

徵起存正銀二千二百五十六兩零耗羨銀三百
三十八兩零全數緩徵未完糧八千二百九十石零
內已完糧四斗零未完糧八千二百八十石零又除
緩徵糧八千一百六十七石零實止未完糧四十
一石零未完草四千五百七十八束零全數緩徵
又帶徵道光十七年未完緩徵糧四百三十三石
零全數緩徵又帶徵道光十八年未完緩徵存留
正銀二百八十六兩零耗羨銀四十三兩零全數

緩徵未完糧七百九十三石零內除緩徵糧七百
九十二石零實止未完糧一石零未完草五百七
十一束零全數緩徵又帶徵道光十九年未完緩
徵起存正銀二千四百五十二兩零耗羨銀三百
六十七兩零全數緩徵未完糧五千七百七十一
石零內除緩徵糧五千七百二十二石零實止未
完糧四十八石零未完草六千四十束零全數緩
徵又帶徵道光二十年未完緩徵存留正銀五百

一十一兩零耗羨銀七十六兩零全數緩徵未完
糧七百二十二石零內已完糧一十石零未完糧
七百一十二石零又除緩徵糧七百七石零實止
未完糧四石零未完草五百八十束零全數緩徵
又帶徵道光二十一年未完起運本色糧一百三
十石零內已完糧四十石零實止未完糧九十石
零又帶徵道光二十二年未完緩徵存留正銀五
百三十八兩零耗羨銀八十兩零全數緩徵未完

糧一千一十石零內已完糧五百二十四石零未
完糧四百八十六石零內除緩徵糧三百八十六
石零實止未完糧九十九石零等情具詳請

奏前來臣覆核無異除將未完銀糧草束責令該管
府州分別依限催徵完解外理合恭摺具

奏並將已未完數目繕具簡明清單恭呈

御覽伏乞

皇上聖鑒謹

奏 道光二十四年四月二十日具

奏奉

硃批戶部知道單併發欽此

奏報陝省上年徵收新舊錢糧截至奏銷以前已
未完數目開單比較摺子

奏爲陝西省道光二十三年分徵收新舊錢糧截至
奏銷以前已未完數目開列上三年比較清單恭
摺具

奏仰祈

聖鑒事竊照前准戶部咨開欽奉

諭旨州縣實徵實解銀數各省督撫於奏銷題報外照

例具奏摺內開具清單明列通省三年比較等因欽
此嗣又准部咨統以年底截數次年二月春撥時
開單奏報卽以道光五年春撥爲始遵照辦理六
年正月復准部咨通年全額錢糧勢難於春撥時
統行確核行令仍以奏銷截數開單奏報並於單
內將已完銀數下註明造入春秋撥冊若干頒發
清單式樣畫一辦理等因茲據布政使陶廷杰詳
報陝西省道光二十三年分額徵新賦地丁正項

銀一百三十三萬九千三百三十七兩零內除郿
縣病故知縣陳椿冠虧缺銀四千八百二十七兩
零業經臣奏奉

硃批嚴行究訛現在查抄著追另案辦理外止該銀一
百三十三萬四千九百九兩零截至奏銷止已十
分全完內造入二十三年秋撥銀九十萬五千一
百四十九兩零二十四年春撥銀四十一萬六千
二百七十九兩零實貯庫銀一萬三千八十一兩

零俟二十四年秋撥冊內造報候撥又帶徵十六
年未完緩徵地丁銀四百六十五兩零因榆林懷
遠神木三縣二十三年秋收復歉展緩至二十四
年秋後啟徵又帶徵十九年未完緩徵地丁銀七
百一十二兩零因榆林神木府谷三縣二十三年
秋收復歉展緩至二十四年秋後啟徵是以截至
二十三年奏銷止均仍未完等情具詳前來臣逐
細覆核無異除將未完緩徵銀兩俟屆期另行催

解並咨明戶部外所有應徵新賦銀兩十分全完
並帶徵十六十九等年舊賦銀兩截至奏銷止未
完緣由理合恭摺具

奏敬繕比較細數清單恭呈

御覽伏乞

皇上聖鑒謹

奏 道光二十四年四月三十日具

奏奉

硃批戶部知道單併發欽此

查明司庫實存耗羨銀數摺子

奏爲查明司庫實存耗羨銀數循例奏

聞事竊照司庫耗羨收支動存各款例應於奏銷地丁
錢糧時恭摺具

奏茲查陝西省道光二十三年奏銷冊造司庫現存
及缺官扣半養廉共銀二十萬六百九十一兩零
除將清冊咨部外理合循例具

奏竝開繕清單恭呈

御覽伏乞

皇上聖鑒謹

奏 道光二十四年四月三十日具

奏奉

硃批戶部知道單併發欽此

對調知縣摺子

奏爲知縣人地未宜請

旨對調以資治理恭摺奏祈

聖鑒事竊照知縣一官缺分固有繁簡才力亦各有短
長必須人地相宜治理漸收成效茲有同州府屬
之朝邑縣本係繁難中缺近來民生富庶訟獄日
滋其地瀕大河界連晉省復有交涉案件現任知
縣姚洽年五十三歲山東貢生捐納知縣分發陝

西因案革職投効軍營出力

奏准捐復原官

題署今職業經詳請實授該員年力强盛辦事奮勉
緝捕尙能認真在任數年一切均無貽悞惟於讞
牘殷繁之處經理未能裕如應行酌量更調查有
宜川縣知縣程義勲年四十九歲江蘇舉人大挑
知縣分發陝西

題署今職尙未期滿該員敏練安詳折獄尙爲明慎

以之調署朝邑縣知縣可期展布妥協所遺宜川
縣員缺地處山陬治盜爲亟卽以姚洽調補實堪
勝任據藩臬兩司會詳請

奏前來臣查朝邑宜川二縣雖同係簡缺然朝邑難
在聽斷宜川難在緝捕自當因地程材未便稍存
遷就合無仰懇

天恩俯准以程義勳調署朝邑縣知縣所遺宜川縣知
縣卽以姚洽調補一轉移間人地各得其宜於公

事兩有裨益如蒙

俞允該員等以簡調簡銜缺相當毋庸送部引

見合併陳明謹會同督臣富呢揚阿合詞恭摺具

奏伏乞

皇上聖鑒訓示謹

奏 道光二十四年五月二十四日具

奏奉

硃批另有旨欽此內閣奉

上諭李星沅奏知縣人地未宜請旨對調一摺著照所
請陝西朝邑縣知縣淮其以程義勲調署所遺宜川
縣知縣員缺卽以姚洽對調該部知道欽此

附奏委署鄜州知州片子

再鄜州直隸州知州陳捷魁現據具報丁艱所遺
員缺係繁疲難要缺應行揀員署理查有西安府
清軍廳同知宋恒祥明白安詳堪以委令署理據
藩臬兩司會詳前來除批飭遵照外理合循例附
片奏

聞謹

奏

硃批覽欽此

請獎捐輸河工經費官紳士庶摺子

奏爲官紳士庶捐輸河工經費懇

恩賞收賜獎以示鼓勵仰祈

聖鑒事竊照道光二十四年三月初六日臣接准部咨

以豫省河工需用浩繁奏明准令各省紳民捐助

經費遵照上屆海疆捐輸議叙所捐銀兩就近交

各本省藩庫兌收報部酌撥等因當卽轉行通飭

各屬出示明白曉諭竝與兩司隨時督率妥慎經

理毋許稍涉抑勒去後茲據三水涇陽咸甯長安
葭州醴泉扶風整屋八州縣士民及流寓生監人
等竝本省外省現任候補候選降補各官員捐輸
銀兩陸續繳庫截至五月十九日共收銀八萬一
千一百兩由藩司陶廷杰臬司汪云任按照捐數
彙議獎叙具詳請

奏前來臣查前次海疆軍務欽奉

上諭各省紳士商民捐資助餉有益軍需急公好義卽

與出力將士無異若照捐輸常例議叙不足以示鼓勵著督撫核實保奏候朕破格施恩等因欽此今該官紳士庶等當河工需用之時各竭微忱用申芹曝事無需乎勸導情自樂於輸將報效急公實堪嘉尚隨就司議獎叙逐加參核與豫工事例及上屆各省海疆捐輸成案均屬相符相應分別等差繕具清單恭呈

御覽合無仰懇

李文恭公奏議

卷五

陝撫

六十一

聖主逾格

恩施俯加獎勵以昭激勸至所捐銀數計四五百兩至
八千兩以上奏請議叙者共銀七萬二百七十一
兩又咨部照捐輸議叙者共銀九千六百二十兩
又不及議叙由外給予花紅匾額者共銀一千二
百九兩現俱收貯司庫聽候撥用此外尙有稟報
捐輸銀未解交咨俟到日續行核辦爲此恭摺具
奏伏乞

皇上聖鑒訓示謹

奏 道光二十四年五月二十四日具
奏奉

硃批該部議奏片一件單二件併發欽此

附奏降補人員捐輸片子

再降補捐輸二員許麗京係安徽進士前任維南
縣知縣性情頽廢徐鎮係浙江監生前任藍田縣
知縣治事輟弱經臣先後參奏均奉

旨以府經歷縣丞降補歸部銓選在案茲各捐輸河工
經費銀兩由司具詳前來臣查該員等於被參後

均知愧奮勉勵亟圖自效且所請布政司經歷及
府經等官俱屬佐貳雜職無關民社似尙可行除

彙請獎叙外所有許麗京等原案合併附片陳明
伏乞

聖鑒謹

奏

硃批覽欽此

奏謝子杭改翰林院庶吉士摺子

奏爲恭謝

天恩仰祈

聖鑒事竊臣接閱邸鈔本年五月初五日臣子李杭以
二甲第四名進士引

見奉

旨改翰林院庶吉士當卽恭設香案望

闕叩頭復於

奏謝臣子會試中式一摺奉

硃批殿試朝考名次俱高甚有出息欽此臣跪讀之下
欣幸感激莫可名言伏念臣家世孤寒讀書通籍
始登詞館游歷封圻仰維

特達之恩深虞駑鈍回溯清華之選猶愧鵷濡臣子李
杭賦質愚蒙受學膚末試南宮而倖捷年少無知
望

東觀以樞趨書多未見方懼官聯兩代仍素食於庶

常况蒙

眷渥九重復

丹毫之獎勉高等獨邀夫

宸注下懷彌切於欽依

寵遇自

天竦慙無地惟有諄飭臣子益勵操修共圖報稱凜下

學上達之

訓敢曰未嘗有材篤存誠去偽之功要必不可無恥庶

備

朝廷之任使稍酬

疇載之生成所有微臣感悚下忱謹繕摺恭謝

天恩伏乞

皇上聖鑒謹

奏 道光二十四年五月二十四日具

奏奉

硃批知道了又於敢曰未嘗有材句旁奉

硃批勉力訓導品行爲先欽此

錢糧徵完過半摺子

奏爲本年錢糧現已徵完過半循例恭摺奏祈

聖鑒事竊照嘉慶八年五月經戶部奏准令各省於每
年五月將徵完舊欠及當年新賦錢糧徵完若干
專摺奏明等因查徵完舊欠錢糧數目業經臣於
本年奏銷時具摺

奏明在案茲據布政使陶廷杰詳稱道光二十四年
分應徵錢糧額徵民屯更起運存留共銀一百六

十萬九千五百五十二兩零內除存留銀二十七萬八千一百一十二兩零實徵解起運銀一百三十三萬一千四百三十九兩零計自二月開徵起至五月止現已解貯司庫銀九十萬二千五百一十四兩零統核徵解新賦計六分七釐有餘已逾上忙應徵一半之數仍未完銀四十二萬八千九百二十五兩零等情臣覆核無異除飭將未完銀兩於秋徵時責令該管道府州督催徵解依限全

完外所有道光二十四年額徵錢糧已未完數目
理合循例具

奏伏乞

皇上聖鑒謹

奏 道光二十四年五月二十六日具

奏奉

硃批戶部知道欽此

奏報本年上忙錢糧已未完數目摺子

奏爲本年上忙徵收新舊錢糧已未完數目循例恭

摺奏祈

聖鑒事竊照嘉慶二十年六月內經戶部奏准行令各省於每年上下忙應徵錢糧除畱支外實應解司銀數分別正課雜項依限詳報督撫二十日內專摺具奏等因茲據藩司陶廷杰詳報道光二十四年分額徵民屯更起存並糧折價除屯丁免食外

共銀一百六十萬九千五百五十二兩零內除存
留銀二十七萬八千一百一十二兩零止該解司
銀一百三十三萬一千四百三十九兩零計自二
月開徵起至上忙截數止已完解司銀九十萬二
千五百一十四兩零未完銀四十二萬八千九百
二十五兩零又原額鹽課銀八千九百八十兩零
今上忙已完銀二千三兩零未完銀六千九百七
十七兩零又帶徵道光二十三年原未完起運銀

北山被雹地方酌借銀兩摺子

奏爲查明北山被雹地方酌借籽種銀兩恭摺奏

聞仰祈

聖鑒事竊照北山榆林府屬之葭州於本年五月初五日被雹打傷禾苗先據稟報當卽批飭確勘妥辦去後茲據該州逐一勘明內王成家等六十二村庄間有被雹之處竝不成災惟文家山等三十四村莊二麥已就成熟秋禾甫經出土猝遭雹雨均

已損折無存亟須翻犁補種計地五十五頃九十
一畝按每畝酌借籽種銀一錢共需銀五百五十
九兩一錢等情由司具詳前來臣查該州文家山
等村莊被雹雖係一隅中之一隅但邊地窮黎蓋
藏素乏補種無貲自應量加體卹除飭令就近在
道庫先行墊給銀兩委員會同認真散放俾得趕
緊補種一面由司庫二十四年地丁銀內動支歸
款秋後徵還外所有葭州被雹較重村莊酌借籽

種銀兩緣由理合恭摺具

奏伏乞

皇上聖鑒謹

奏 道光二十四年六月二十二日具

奏奉

硃批戶部知道欽此

請獎捐輸賑卹官民摺子

奏爲官民捐輸賑卹懇

恩獎勵仰祈

聖鑒事竊照漢中府屬之沔縣洋縣及褒城南鄭城固等縣於道光二十三年六七月內被水衝塌民房淹損人口當經各地方官捐廉安撫竝將沔縣褒城洋縣所需修葬二費奏奉

諭旨照例賞給由臣嚴飭各員妥爲散放在案惟南鄭

城固二縣被水貧民口糧修葬各費俱係該縣等
首先倡捐竝勸士民捐輸賑卹計共捐銀四千九
百七十兩又沔縣襄城洋縣乏食貧民應需口糧
及貼補修葬等項亦係各該縣倡捐勸輸計共捐
銀六千六十兩茲據該管道府查明各縣官民捐
輸銀數姓名由藩司彙詳請

奏前來臣查定例捐賑等項公事士民捐銀二百兩
者給予九品頂戴三四百兩以上者給予八品頂

戴又現任官捐銀五百兩以上者紀錄二次一千
兩者加一級一千兩以上者以此核計各等語今
該官民等於地方偶被水災卽各捐貲助卹共拯
窮黎實爲義舉自應量予獎勵除捐銀不及議叙
者由本省辦理外所有捐銀一千一百七十兩之
南鄭縣知縣朱清標一千一百二十兩之襄城縣
知縣候國璋八百二十兩之前署沔縣知縣陸華
封七百二十兩之城固縣知縣李煒五百兩之洋

縣知縣宮爾錫同捐銀五百二十兩之洋縣民人
吳成德四百兩之捐職從九品銜張守業三百兩
之洋縣文童李樹勳武童金鱗金甲城固縣文童
王正全陳書山民人龍自耀孫振廷賴容照竝二
百兩之洋縣文童姚文瑞城固縣文童陳師孔合
無仰懇

天恩敕部分別議叙以昭激勸之處出自

鴻慈再此項銀兩係官民捐輸請免造冊報銷除另造

各捐戶年貌履歷清冊送部外理合恭摺具

奏伏乞

皇上聖鑒訓示謹

奏 道光二十四年六月二十一日具

奏奉

硃批另有旨欽此內閣奉

上諭李星沅奏官民捐輸賑卹懇恩獎勵一摺著該部
議奏此項銀兩免其造冊報銷該部知道欽此

附奏提審京控咨交案件片子

再前准吏部咨欽奉

上諭各省京控咨交案件嗣後著該督撫將逾限未結之案每屆半年彙奏請旨交部議處一次俾承辦各員咸知儆畏等因欽此欽遵在案查陝省京控咨交案件自本年正月以來止有華陰縣民楊兆祥等一起甫於四月二十九日接准都察院咨送到陝現已行司提省審辦核計限期並無遲逾除督飭

承辦各員隨時審擬依限辦理外所有查明京控
案件並無逾限緣由理合附片陳明謹

奏

硃批知道了欽此

奏謝平反議叙摺子

奏爲恭謝

天恩仰祈

聖鑒事竊照神木縣幼女李春孩被李述秀李蘇氏因
姦謀斃滅口一案該縣知縣王致雲原辦錯謬經
臣與升任臬司傅繩勛督委西安府知府李希曾
審明改擬竝將該縣王致雲

奏參革職欽奉

硃批審訊精詳甚屬可嘉另有旨同日奉

上諭李星沅傅繩勛李希曾俱著交部議叙欽此旋由

吏部議奏請各給予加一級奉

上諭李星沅傅繩勛李希曾俱著加恩改爲加二級欽

此臣准吏部行知當卽恭設香案望

闕叩頭虔謝

天恩伏念準情定律

國有常刑斷獄持平法無倖免世俗不察乃有救生

不救死之說而回惑深又有失出無失入之說而趨避熟情未得而先喜罪無疑而惟輕甚至供證無憑承審不實或附詳記過或照例開叅視若故常共相容隱水懦民玩犯者必多節經欽奉

諭旨

訓飭嚴切誠以止辟之義卽爲好生之仁臣賦質庸愚受

恩深重抵陝以來凡遇各屬讞牘兢兢以情真罪當四

字隨時告戒就案指駁而積習因循挽回不易卽
如神木縣李述秀等一案臣已先據縣詳批令再
行研訊仍至草率成招必俟解省後委員審明改
擬督飭不力此其明徵清夜循思方滋愧懼渥荷
丹毫示獎復蒙

優叙特加仰

異命之重申倍難安於蟻悃惟當刻已勵屬勉之又勉
漸致精詳務祛枉縱以期仰答

生成於萬一所有微臣感悚下忱謹繕摺恭謝
天恩伏乞

皇上聖鑒謹

奏 道光二十四年六月二十一日具

奏奉

硃批知道了欽此